



Fayyina (salvation) fi Gonfoo

/badhaasa/crown/Rewards

Fayyinni

bu'uura

kiristaanummaa fi xiyyeeffannoo macaafa
qulqulluuti. Jechi fayyina jedhu jecha
Ibirootaa 'Yasha' jedhu, Afaan Giriikiin ammoo
'soteria' jedhu irraa kan dhufeedha. Hiikaan isaas
Ooluu, Jalaa bahuu, Irraa hafuu, nagaa argachuu,
fayyuu fi olkaa'uu (preservation) kan jedhu of
keessaa qaba.

Fayyinni guutummaan guutuutti Hojii
Waaqayyoo ta'ee Kan Waaqayyo ittiin Ilmaan

namaa jechuunis cubnamoota :

Badiisa,dukkana,dheekkamsa Isaa, cubbuu fi
ba'aa cubbuu jalaa Oolchuun badhaadhummaa
Ayyaana isaa irraa Jireenya barabaraa
kennuufiin har'a irraa hafaa jireenyaa fi gara
fuula duraatti ammoo ulfina barabaraa keessa
jiraachisuudha.



Kiristiyaanummaa
har'aa keessatti
barsiisni waa'ee

Fayyinaa fi badhaasaa bitaa fi mirgaan
heresy(barsiisa sobaan) dhiibamaa kan jiruu fi

Macaafni Waaqayyoo kan ibsu dhugaan isaa
dhokachuu irra kan darbe hamma
barbaachisummaan isaa wal'aalamuu irra gahee
jira. Tahus Sobni deeggaraa baay'ifatus dhugaan
injifataa waan taheef dhoksaan Hafuura fi
lubbuu amantootaa ililchiisu kun gargaarsa
hafuura qulqulluun nutti mul'ifameera. Wal
bira qabiinsa fayyinaa fi badhaasaa osoo hin
seenin dura maalummaa fi barbaachisummaa
fayyinaa akka macaafa qulqulluutti waliin
ilaalla.

Akkuma waliin barachaa turre dhugaan
Waaqayyoo inni tokkichii fi inni barabaraa kan
hin jijjiiramne macaafa qulqulluu isa sagalee
namaa osoo hin taane kan Waaqayyoo tahe qofa
keessaa argama." Macaafa Waaqayyoo keessa
barbaadaatii dubbisaa! Wanta kana keessaa
tokko illee kan hafu hin jiru, kan achi keessaa
qomoo isaa dhabus hin jiru, Waaqayyoo ofii isaatii
kana dubbateera, hafuura isaatiinis walitti isaan
qabeera;"

(Macaafa Isaayaas 34:16)



"Isin dur hamaa yaaduu

keessaniin, hojjechuu keessaniinis orma, diina

Waaqayyoos taatanii turtan.

Amma garuu Waaqayyo du'a namummaa ilma

isaatiin isin araarsee, warra isaaf qulqullaa'an,

warra mudaa hin qabne, warra balleessaa hin

qabnes godhee, of dura isin dhaabachiiseera".

Qol 1:21-22. Fayyinni Bara baraa darbe jechuunis

uumamuu samii fi dachee dura karaa kiristoos


Waaqayyo Abbaan kan karoorfamee fi
murteeffameedha. Bu'aan gocha fayyinaa
Yesuus Kiristoos ilmaan namaaf akka irra hin
deebi'amnetti fiixaan baase, barabaraa isa
boodaa keessatti kan xumuramuudha. Kanaaf
Fayyinni taatee yeroo tokkoo osoo hin taane kan
barabaraa hamma barabaraati.

Fayyinni matuma isaan Fayyina barabaraati."

Yesus gooftaa akka ta'e afaan keetiin yoo
beeksifte, Waaqayyo du'aa akka isa kaase immoo

garaa keetti yoo amante fayyina bara baraa in
argatta."

(Roomaa 10: 9)



Waaqayyo Uumamuu

samii fi dachee dura

karoorsaa kan ture

dhimma Kuduraalee fi

mukoota kan nyaatanii du'anii osoo hin taane,

Karaa kiristoos Fayyina cubbamaa du'aa

kaasuun barabaraan nama jiraachisu


Qopheesse." Inni uumamuu biyya lafaa dura
iyyuu warra qulqullaa'an, warra isa duratti
mudaa hin qabne akka taanuuf, jaalalaan karaa
Kristos nu fo'ateera. " (Efesoon 1: 4)

*"Garuu Kristos dhiiga isaa isa gati-jabeessaan,
isin fureera; inni akka hoolaa mudaa yookiis
xurii hin qabnee ti. Inni uumamuu biyya lafaa
dura yaadaan qabame, gara dhuma barichaatti
immoo isiniif jedhee mul'ifame". 1pet 1:19-20*

Waaqayyo Uumamuu samiif dachee dura
Abukaadoo fi sangoota coccoomoo nyaataaf
tahan nuuf qopheessaa ture osoo hin
taane,Kiristoos Hoolicha Faasikaa isa
Dhiigasaan Lafaa gara samiitti olnama baasu
qopheesse.Fayyinnii fi Ayyaanni dhihoo Ooguma
namaan kan walitti madaqfaman osoo hin taane
Uumamuu samiif dachee dura!

*" Waaqayyo nu fayyisee isaaf akka
qulqulloofnuuf nu waame; nu waamuun isaas*

*akka akeeka isaatii fi akka ayyaana isaa isa durii
durii jalqabee karaa Kristos Yesus nuuf kenneetti
malee, akka hojii keenyaatti miti." (2 Ximotewos
1: 9)*



Maal jalaa fayyu?

Fayyinnis eenyuuf

barbaachisa?

cubbuu fi bu'aan cubbuu maali?

Cubbuu jechuun Sadarkaa seerrii fi

qulqullummaan Waaqayyoo namarraa

barbaadu irraa uumamaan, gochaanii fi
yaadaan Maquun Waaqayyo malee jiraachuu
jechuudha.

*"Cubbuu kan hojjetu hundinuu seera malee in
jiraata; cubbuunis seera malee jiraachuu dha." (1
Yohannis 3: 4)*

Waaqayyo cubbuu hin uumne, garuu fedha
bilisaa isaan seexanni kufe Addaamiif
Hewaaniin seera Waaqayyoo irraa Kaachisuun
eenyummaan cubbuu isaan seene!

Um 1:26-28,31,3:22-24

Kufaatii cubbuu booda nama kan ta'e

hundinuu Cubbamaadha.

*Namni gaarii qofa malee hamaa hin hojjenne

biyya lafaarra hin jiru!

*" Haa ta'u iyyuu malee, namni qajeelaan yeroo
hundumaa wanta gaarii hojjetu, cubbuus kan
hin hojjenne lafa irra hin jiru."*

(Macaafa Lallabaa 7: 20)

* Hundinuu yakkaniiru Yesuus Kiristoos irraan kan hafe Maariyaamiin dabalatee." Hundinuu yakkaniiru, ulfinni Waaqayyoos isaanitti hir'ateera." (Rom 3: 23)


* namni Qajeelaan Tokkollee hin jiru Yesuus kiristoos irraan kan hafe.

" Caaffanni qulqullaa'aan,

"Namni qajeelaan hin jiru, lakkii, tokko illee hin jiruu." (Rom 3: 10)

Isa 53:6,Luq 11:13,Gal 3:22,Iyoh1:8

#Akka walii galaatti hundumaaf aarsaa cubbuu
irraa fuudhutu barbaachisa.Yoh 3:16



*" Inni furee cubbuu
keenya ti, cubbuu
kenya duwwaafis miti*

*cubbuu guutummaa biyya lafaatiifis malee. " (1
Yoh 2: 2)*

#Hundumtuu Yaada garaa geeddarachuun
Amanuu isa barbaachisa.Hoerg 17:30-31


#Hundumtuu 2ffaa dhalachuun uumama

haaraa tahuu isa barbaachisa.Yoh 3:2-5

#sanyiin ilmaan namaa hindinuu dandeettii

guutuu cubbuu hojjechuu ni qaba.Rom 1:18,3:10-

18 Erm 17:9



Qulqullummaa fi haqummaa

Waaqayyoon yoo ilaalamu namni

karaa hafuura gaarummaa of keessaa hin

qabu.Isa 64:6,Rom 3:9,7:18

Namni hin fayyine gaarii kan hojjetu bu'aa
mataa isaa fi ofittummaa isaaf malee
eenyummaa isaa fi ulfina Waaqayyoof miti.mat
6:5,2xim 3:4.

Fayyinni nama hundaaf dirqamatti
barbaachisa!!!!

Namni Qabiyyee gurguddaa sadii irraa
ijaarame.Hafuura,Lubbuu fi Qaama. 1Tas
5:23,um 2:7,1br4:12

Hafuurri Addunyaa hafuura kan quunnamu
keessoo namaati.

Lubbuun miira, beekumsaa fi fedha namaa
tahee kan Qaamaa fi Hafuura wal
quunnamsiisuudha.

Qaamni ammoo ija fooniin kan mul'atu qaama
fiizikaalaa hariiroo kallattii Addunyaa waliin
qabuudha.

Cubbuun kutaa qaama namaa guutummaa kan
faaleedha. Guutummaa qabiyyee nama hin
fayyinee kan wal gaheedha.

Kunis: *Yaada namaa Rom 8:6, 1Qor 2:14,
2Qo4:4, Tito 1:15



" Warra qullaa'aniif
wanti hundinuu
qullaa'aa dha, warra
xuraa'oodhaaf warra
hin amanneef garuu,

wanti tokko illee qullaa'aa miti; sammuu isaanii
fi yaadni garaa isaanii iyyuu xuraa'aa dha. "

(Tiitoos 1: 15)

*Fedha namaa yoh8:34,erm 13:23

Rom 7:18

* Garaa namaa " "Garaan namaa waan
hundumaa irra jal'aa dha, namnis isa qajeelchuu
hin danda'u; egaa eenyutu isa beekuu danda'a
ree? " (Macaafa Ermiyaas 17: 9)

*Hafuura namaa 2Qor7:1

* miira namaa 1yoh 4:7-8,11-19

Kanaa fuu hundinuu guutummaan guutuutti

yakkaniiru. Rom 3:23



Gatii cubbamaa osoo hin taane gatiin

cubbuu ammoo du'a Rom 6:23

" Beenyaan nama cubbuu hojjetuu du'a;

kennaan Waaqayyoo inni Kristos Yesus gooftaa

keenyaaw wajjin tola kennamu garuu jireenya

bara baraa ti." (Roomaa 6: 23)

" For the wages of sin is death; but the gift of God is eternal life through Jesus Christ our Lord."

(Romans 6: 23) kanaafuu namni hin fayyine:

* Kan badeedha Luq19:10

*Jaamaa hafuuraati 2Qor4:3-4,eфе 4:18

*Du'aadha.eфе 2:1

*har'ayyuu itti faradamaadha. Yoh 3:18


* Hin abboomamneedha.eфе 2:3

*Dheekkamsa Waaqayyoo jala jira.yoh3:36

*Seexanaaf kan abboomamuu fi waliin kan
hojjetuudha.

Yoh8:44,ehe 2:2,2xim2:26

*"Yoos isaan qalbii godhatanii, Seexana isa jaalala
isaa akka godhaniif kiyyoo isaatti isaan galche
harkaa in ba'u." (2 Xim2: 26)*



Ifichaa fi Burqaa
jireenyaa, Agartuu
ifteeen!!!!!!!!!! !! !

Burqaan jireenya kennu si bira waan jiruuf, ifa
keetiin ificha in argina.Far 36:9

Ifichi burqaa jireenyaa of keessaa qabu!kan ifa
Waaqayyoon malee sammuu foonii qofaan bira
hin gahamne Kiristoosiidha.


Ifti addunyaa kanaa dukkana godaansisuun
jiraachuuf haala mijeessa garuu Ifi Kun Jireenya
waan of keessaa hinqabneef utuudhuma inni
ifuu namni beelaan,balaa tasaan
,hongeen,dhukkubaan dhumuu dandaha.Ifichi

inni dhugaan kiristoos garuu aboo ibsuu qofa
osoo hintaane jireenya ilmaan namaa boqochiisu
jireenya barabaraa, naggaa barabaraa fi ibsa
jireenyaa isa dukkana hundumaa injifateedha.

"Jireenyi isa keessa ture; jireenyichis ifa
namootaa ture." (Yohannis 1: 4)

*"Ifichi inni dhugaan, inni gara biyya lafaa dhufe,
namoota hundumaaf in ibsa." (Yohannis 1: 9)*

Hafuurri Qulqulluun qaroo amantoota dhugaa
banuun kan itti mul'isu Ifichi Jireenya
Amantootaati.



Inni waan tokko qofa
osoo hin taane waan
hundumaa keenya.

*" Waa'ee isa jalqabaa jalqabee turee, sagalee
jireenyaa sanaa isiniif in caafna. Nuyi isa
dhageenyeerra, ija keenyaan isa argineerra,
ilaallees harka keenyaan isa qaqqabanneerra."*

(1 Yohannis 1: 1)

*" Jireenyichi mul'ifameera; nuyi isa argineerra,
isaafis dhugaa in baana; jireenya bara baraa isa
abbaa bira ture, nuttis mul'ifame kana isinitti in
himna. " (1 Yohannis 1: 2)*

*" Waaqayyo ilma isaa utuu hin mararsiifatin
hunduma keenyaaf dabarsee erga kennee, waan
hundumaas immoo ilma isaa wajjin tola nuuf
hin kennuu ree? "*

(Roomaa 8: 32)

Kennaan Ilmarra caalu kan namaaf kennamu
maaltu jira!

Nama billiyoona kennee beekuuf Qarshii tokko
kennuun xapha!!

Jaallatee mootiin ilma tokkicha namaaaf kennu
waan biraa maal namatti hir'isa?

Bu'aalee Cubbuu

1. Waaqayyo irraa addaan bahuu

2. Du'a:-*Du'a Qaamaa. Ya'i 2:29, Hisq 18:4

*Du'a hafuura: Waaqayyo irraa addaan

bahuu um 2:17,Efe 2:1

* Du'a barabaraa ykn du'a 2ffaa 1Tas 1:19,mul


20:13-15

3. Qilillee fi galaana ibiddaa(firdii

barabaraa)=inni kun du'a barabaraa waliin kan

wal qabatuudha.

Ilmoo namaa ta'ee dhugaatti Kiristoositti kan
hin amanne warreen armaan gadii kanatu
isaan eeggata.



Gehanna- Iddoo

gubannaa Mat 29:30

Badinsa(destruction)

Mat 7:13

Dukkana isa alaa mat 8:1,2, 22:15

Ilkaan qaruu(gnashing of teeth) Mat 8:12

Boo'icha(weeping) Mat 8:12

Badinsa qaamaa fi lubbuu Mat 10:28

Boollaa abiddaa(Afurnace of fire) mat 13:42, 50

Abidda barabaraa mat 25:46

Adaba barabaraa mat 25:46

Iddoo raammoon isaa hin duune mark 9:44a

Abiddi isaa kan hin dhaamne mark 9:44b

Luk 16:19-31

Akkuma jireenyi Hafuura gammachuu

waaqayyoo keessa jiraachisu du'i hafuura

gaddaa fi dhiphinaan Waaqayyo malee Qiliile
keessa jiraachisa.

Bara baraa warra hin fayyineef

Abiddi isaa hin dhaamu mat 3:12

Bara baraan argaa waaqayyoo duraa

baduu.2xim 1:9

Dheekamsi waaqayyoo itti roobuu mul 4:10

Abiddaan dhiphifamuu mul 14:10

Dhiphifamuu barabaraa mul 19:11

Galaana abiddaa mul 20:10, 21:8

Kristoosin osoo hin amanatin kan
du'aniif: jechuunis hafuurri fi lubbuun foon
isaanii irraa gargar ba'uun iddoo dhiphinaa kan
afaan Ibrootaan 'Sheol' jedhamu, kan afaan
Grikiitti 'Hades' jedhamu Iddoo warraa
du'ootaatti dhiphifamaa hanga du'aa ka'uu
warra jal'ootaatti turuun booda firdii teessoo
adiif du'aa ka'uun gara gahaannamitii
darbatamuun, qaamaan, lubbuunii fi hafuuraan


otoo itti dhaga'amuu bara baraan seexana waliin
gubatu.

Fayyina jechuun kanneen armaan olitti caqasnee
kana kan ta'an bu'aalee cubbuu fi cubbuu jalaa
karaa kiristoos ooluudhaan lammaffaa
dhalachuutii hanga dhaqna du'aa ka'uu
uffachuun akka kiristoos ta'aniitti adeemsa
taasifamuudha.

Fayyaan ogeessa fayyaa akkuma hin barbaannee
kiristoos nama of danda'uuf du'e osoo hin

taanee, warra karaa cubbuu du'aniif jireenya
ta'uuf du'e. Du'aa ka'uu isaanis amantoota
Uumama haaraa fi qajeelota isaan
taasise.sanyiin Addaam hin dhukkubsatan qofa
osoo hin taane, ni du'ani.Furmaanni nama
du'eef ta'u of kaasii of jiraachisi shaakali Qaama
hoo'ifadhu jechuuni osoo hin taane,yoo
danda'ame qaamni biraa dinqii irratti
hojjechuudhaan du'aa kaasudha. Haaluma
kanaan nuti karaa cubbuu duunee turre malee

dhukkubsannee turre miti.sababni isaas
dhukkuba tokko tokkoorraa adeemsa keessa
fayyuu waan danda'uuf.



*"Hundinuu yakkaniiru,
ulfinni Waaqayyoos
isaanitti hir'ateera."*

(Roomaa 3: 23)

" Beenyaan nama cubbuu hojjetuu du'a;
kennaan Waaqayyoo inni Kristos Yesus gooftaa

keenyyaa wajjin tola kennamu garuu jireenya
bara baraa ti." (Roomaa 6: 23)

" Isin kanaan dura irra-daddarbaa keessanii fi
cubbuu keessaniin [karaa hafuraa] duutanii
turtan." Efe 2: 1

Cubbuun garba taanee mana hidhaa seeraatti
murtii du'aan adamaa osoo jirruu sagalichi
nama tahee dhiiga isaa dhangalaasee du'uun
gatii seerri nurraa barbaadu guutummaa
kaffalee karaa Ayyaanaa fi Amantii ilmaan

nutaasisuun mana hidhaatii bilisa nu baasee
mana Abbaa keenyaatti nu galcheera!!

Cubbuun karaa seeraa mana hidhaa umurii
guutu si hiinaan Ayyaanni karaa kiristoos Mana
jireenyaa umurii guutuutti si ceesiseera!

Egaa seexanni si jiraata malee sin
jiraachisu! Kiristoos garuu Siif jiraatee si
jiraachisa!!!

Namni bineensa waan hin taaneef akka
bineensaatti jiraachuu hin danda'u! Namni

dhugaatti fayye Uumama Haaraa waan ta'eef
namummaa moofaa ajjeesee Ilmummaa
dhugaan gararraa seeraa fi cubbuu Ayyaana
keessa jiraata!!

Waaqayyo jaarraa 21ffaa kana keessa ilaalcha
cubbuuf qaburraa yaada garaa geeddaratee
cubbuu hojjechuun homaa miti hin jenne garuu
Karaa Ayyaana isaa cubbuurraa kan deebi'aniin
Ilmaan kooti jedhe malee!

Yesuus Waaqayyoof cubbuu walitti araarsuuf
dhiigasaa dhangalaase osoo hin taane,
Cubbamaa irraa cubbuu fuudhuun uumama
haaraa isa eenyummaa cubbuu gararraa jiraatu
qabu uumuuf malee!!

Ayyaanni cubbamoota doorsisuun madaqsa
osoo hin taane!!sanyii Waaqayyoottii
dhalachiisuun Qajeelummaan guddisa!!

Bu'aa cubbuu hagas ulfaatu kana jalaa

akkamiin fayyuun danda'ama??

Namni dhalatee gaarii qofa yaadu kan cubbuus

hin hojjene lafarra hin jiru. Ana kan jedhu yoo

jiraate Kiristosiin of gochuu isaati!!

Namni karaa kiristoos 2ffaa hin dhalanne

hundinuu cubbamaadha.

Waaqayyo jaalala qofa osoo hin taane

qajeelaadha. Amalli haqummaa fi jaalalaa

Waaqayyoo akka dudda saantimaa lammeenii

kan gargar hin baanee fi kan wal hin
makneedha.



Waaqayyo qajeelummaa
isaan osoo garaa hin

laafin cubbuutti ni farada.

Waaqayyo jaalala isaan ammoo osoo garaa hin
jabaatin tola Ayyaana isaan cubbamaa ni fayyisa.

Namni hafuuraan karaa cubbuu waan du'eef
dandeettii fi hojii mataa isaan of fayyisuu hin
danda'u. Kanaafuu:-

1. Fayyisuun kan Waaqayyooti malee kan cubbamaa ykn qaama kamiyyuu miti." Ani garuu sagalee galataatiin, aarsaa siif nan dhi'eessa; wanta ani wareeges nan baasa; fayyisuun kan Waaqayyoo ti!" jedhe." (Yoonaas Raajicha 2: 10)

Dhukkubsataan waan dandahee of hin fayyifneef Ogeessa fayyaa barbaada. Du'aa fayyisuun gahee Waaqayyoo qofaadha.

2. Fayyinni hojiin miti!!!!!!

Waaqayyo hojii keetiin miti utuu jedhuu hoojii
kooti ykn namaati jechuun dubbachuu ykn
barsiisuun haa hafuutii yaaduun isaayyuu
cubbuudha. 1Qor1:27-31

" Kanaafis namni tokko illee fuula Waaqayyoo
duratti of hin jajin."

(1 Qorontos 1: 29)

Hojii + Amantii jechuun oftuummaadha.

Macaafa Waaqayyoo sobduu gochuu
yaaluudha.

" Isin ayyaana Waaqayyootiin karaa amantii
fayyifamtan; inni immoo kennaa Waaqayyoo ti
malee, gochaa ofii keessanii miti; "
(Efesoon 2: 8)

" hojiidhaanis miti, namni tokko illee akka ittiin
of hin janyetti."
(Efesoon 2: 9)

3. Namni tokkillee Seera eeguun Qajeelaa hin
tahu.

Nama tokkoo gadi tahuu yoo barbaadde Seera
eegii qajeelaa tahi!!

" Utuma ta'uu iyyuu namni tokko illee Yesus
Kristositti amanuudhaan malee, wanta seerri isa
irraa barbaadu gochuudhaan Waaqayyoon
duratti qajeelaa ta'ee akka hin lakkaa'amne in
beekna. Nuyi wanta seerri nama irraa barbaadu
hojjechuudhaan utuu hin ta'in, Kristositti
amanuudhaan qajeelota taanee akka
lakkaa'amnuuf, Kristos Yesusitti amanneerra;

wanta seerri nama irraa barbaadu gochuudhaan
namni tokko illee qajeelaa ta'ee hin lakkaa'amu.

" (Galaatiyaa 2: 16)

Cubbamaan dandahee seera eegee qajeelaa taha
taanaan Kirstoos akkasumaan du'e jechuudha.

*" Ani ayyaana Waaqayyoo gatii hin dhabsiisu;
namni qajeelaa ta'ee lakkaa'amuun seeraan utuu
ta'ee; yoos Kristos akkasumaan du'e kaa! "*

(Galaatiyaa 2: 21)

Seera eegeen qajeelaa taha jettee abdattee

beektaa??

"Isin warri seera eeguudhaan qajeelota taatanii

lakkaa'amuu barbaaddan, Kristosin of irraa

kuttaniittu; ayyaana Waaqayyoo irraas

kuftaniittu." (Galaatiyaa 5: 4)

Yaada garaakee geeddaradhuu kiristoosiin

qofatti amani!!

4. Fayyinni dhiqannaa lammaffaa dhalachuutiin

fi haareessuu hafuura qulqulluutiin!!

*" Waaqayyo hojii nuyi qajeelummaadhaan
hojjenneef utuu hin ta'in, akka araara isaatiitti
dhiqannaa lammaffaa dhalachuutiin, haareessuu
hafuura qulqulluutiinis nu fayyise." (Tiitoos 3:5)*

1ffaa Abbaakee fi Haadhakee irraa dhalachuuf
maal gooteef,hojii gaarii waan hojjetee fiif si
argatanii??

Utuu hin uumamin hojii gaarii hijetta taanaan
ati Haafuura wayiiti jechuudha.kunis matumaa
tahuu hin dandahu.2ffaa dhalachuunis akkuma

kana.1ffaa karaa Addaam uumamuun cubbuu
jala galfamu. 2ffaa karaa Kiristoos uumamuun
Cubbuu jalaa furamu!!!Kun hojii Hafuura
qulqulluu isa Waaqayyoon taheeti malee hojii
namaa miti.

5. Fayyinni Ayyaanaan karaa Amantiiti, malee
seeraan karaa Hojii gaarii miti.

*"Isin ayyaana Waaqayyootiin karaa amantii
fayyifamtan; inni immoo kennaa Waaqayyoo ti
malee, gochaa ofii keessanii miti; hojiidhaanis*

*miti, namni tokko illee akka ittiin of hin
janyetti. Kunis hojii gaariin osoo hin taane Karaa
kiristoos hojii gaarii keessatti uumamuudha". Efe
2:8-9*

" Nuyi hojii harka isaatii ti, hojii gaarii isa
Waaqayyo duraan dursee qopheesse keessa akka
deddebinuuf karaa Kristos Yesus uumamne. "
(Efesoon 2: 10)

Hojiin Fayyinaa guutummaatti Kiristoosiin
xumurame.

Bu'aa cubbuu, cubbuu fi adaba cubbuu hanga
bara baraan qileela keessa miira guutuun
wawwaataniitti nama adabsiisu jalaa Waaqayyo
Cubbamaa oolchuun, tola Ayyaana isaan karaa
Amantii fayyisuu jaalate.

bu'uurri fayyina kanaas dadhabbii Cubbamaan
osoo hin taane, hojiilee dinqisiisoo namummaa
Kiristoosiin fiixaan bahaniidha. Isaan keessaas
muraasa isaanii haa ilaallu.

¹ Furii(redemption)

Furii jechuun gatii barbaachisu kaffaluun
qabeenyaa ofii badee ture deebisanii kan ofii
godhachuu jechuudha. Mana hidhaa fi iddoo
dhiphinaa keessaa gatii baasuun nama tokko
furuu jechuudha. Garbicha gatii barbaachisu
kaffaluun birmaduu baasuun ilma taasisuu!!

Fureen(Redeemer) gatii furiif barbaachisu
kaffaluu bilisa baasuu kan danda'u tahuu qaba.

Akka macaafa Ruut3:9, 4:4,6 irraa ilaallutti

fureen kan namaaf tahu Aantii/fira ofii keessaa
dandeettii fi jaalala furee tahuu kan qabuudha.

" Namichi "Laficha nan oolfadha" jedhe kunis,
"Lafa isa ani dhaaluudhaaf bitu kana dhabuuf
jira, kanaaf ani danda'ee hin oolfadhu; egaa
nama oolfatu ta'uu waanan dadhabeef, waan
oolfachuun ana irra ture, ati ofii keetii oolfadhu!"
jedhe. "

(Macaafa Ruut 4: 6)

Jechoota M/Q furiif fayyadame

Kakuu moofaatti "**Gaal**" Gatii(price) kaffaluun bilisa baasuu. Jechi kun gatii kaffalamu irra jireessaan xiyyeefata. Waaqayyo furii(Gaal) namootaati

Far103:4, 107:2, Hoe 13:14 Iyob 19:25, Isa 43:14, 44:6, 47:4

Padah: Gatii kaffaluun bilisa baasuu. Kun ammoo irra jireessaan bilisummaa qaama furame tokkoo xiyyeeffata. Waaqayyo Israaelii Gibxii bilisa baasuu isaa Kes7:8, 2Sam7:22

Jechoota furii K/H keessatti

Exagorazo: to buy out: Bitanii baasuu /deebisuu

Xiyyeeffannoon gatii kaffalamu irratti

Gal3:13

Lutroo: Gatii kaffaluun gadhiisuu ykn bilisa

baasuu

Xiyyeeffannoon bilisummaa argamu irratti ture.

Jechi kun 1br9:12 irratti birmadummaan furii

kanaa baay'ee olaanaa tahuu isaa ibsuuf

"Apolutrosii" jedhee kaa'a kun ammoo furiin
gara fuula duraatti illee kan itti fufu tahuu
agarsiisa kunis:-

* dheekkamsa Waaqayyo bara dhiphinaa jalaa
ooluu luk 21:28.

Du'a jalaa du'aa kahuun birmadummaa isa
dhumaa argachuu Rom8:23,ehe 1:14,4:30.

Fureen(redeemer) cubbamootaa Kiristoosiidha.
Luk 2:38,24:21

Kiristoos hojii furuu du'a isaan fiixaan

baase. Mat 20:28, Mark 10:45

Gatiin(ransom) furii dhiiga Kiristoosiiti 1pet 1:18-

19

Bu'aan furii Garbummaa irraa Birmaduu

bahuun ilma tahanii Abbaa ofiif deebi'anii

galuu." Egaa ati si'achi karaa Waaqayyoo

garbicha miti, ilma malee; erga ilma taatees

qabeenya abbaa keetti darbitee argachuuf jirta. "

Gal 4:7

Furiin Waanjoo Cubbuu fi seeraa jalaa

birmadummaa Ayyaanaa kenna

Tit 2:14

Fuluriin kan barabaraati 1br9:12

Kufaatii Addaam booda Waaqayyo qullaa

cubbuun fidetti lubbu qabeessa ajjeesee dhiiga

buusuu isaan uffata gogaa itti uffisuu isaa irraa

eegalee hanga fannoo Kiristoositti kan turan

aarsaaleen kakuu moofaa agarsiistuu furii

barabaraa tahuu Kiristoos ture. Um3:21," *And all*

that dwell upon the earth shall worship him,
whose names are not written in the book of life of
the Lamb slain from the foundation of the
world."

(Revelation 13: 8)

Hoolichi uumamuu biyya lafaatii jalqabee
qalamaa ture!!K/Mtti gaaddidduun K/Htti
ammoo Qaamaan kan qalame Kiristoos Hoolaa
Waaqayyooti.

Ati dhiigichaan kan bitamte wabii barabaraa
qabda!

Badiisa irraa ooluu hoolotaaf murteessaan
tikseedha. Kiristoos tiksee bitamee hoolota eegu
osoo hin taane, Lubbuu isaa baasii gochuu
hoolota kan bitate humna du'aa ka'uun ammoo
tiksee isaaniti. Inni yeeyyiitti dhiisee kan hin
baqanne,dirreerra osoo hin taana barruu isaa
keessatti kan tiksu, hoolota keessaa tokkollee
osoo hin balleessin du'aa kaasuun ykn warra

jiran diddiiruun Abbaatti galii isa godhu Tiksee
dhugaa fi amanamaadha. Boqochaa harka isaa
keessa jiraadhu!!Tolatti miti, Waraanamee
madaa'uu Harki kun si'argate!!!!

“Hoolonni koo sagalee koo in dhaga'u, ani isaan
beeka, isaanis na duukaa in bu'u. Ani jireenya
bara baraa isaaniif nan kenna, isaan bara
baraan hin badan, namni tokko illee harka koo
keessaa isaan hin butatu. Abbaan koo inni anatti
isaan kenne, hundumaa irra guddaa dha;

homtinuus harka abbaa koo keessaa isaan

butachuu hin danda'u.” (Yoh10:27-29)